

吳興掌故集卷之十

九靈山長徐獻忠輯

延州布衣吳夢暘閱

後學茅獻徵校

山墟類

自昔敘述山墟十不備一不但深山窮谷足迹罕及苟非名賢所棲泊則其地不靈非珍產所資化則靈亦不著故或有野市煙邨而載錄不廢或霞峰雲壑而指顧無從者焉吳興故有吳均入東記張玄之山墟名及山謙之吳興記等錄雖疑信相半而攷亦有據近之修纂一切刪削幾以混聞大失志載之義予因檢括諸散見及足迹所及以為此編尙恨登陟未徧不足為全書俟有聞見續諸其後

掌集十 山墟類

嘉業堂校刊

烏程縣山

蜀山 烏程東十里 湯山

高啟送徐賁蜀山幽居詩我因解轍遠辭京君為修琴暫入城偶爾相逢春酒熟飄然忽去暮煙生山頭學嘯猶聞響世上留詩不寫名西欄煩詢張靜者年來著易幾交成

別鮮山 烏程東十三里

爾雅云小山別大山鮮郭璞注云不相聯也此山大小似近而不屬故名

冥四山 烏程東十七里在冥四圩俗因名之又名篠山

西餘山 烏程東十八里

輿地志云漢文帝封東海王搖之子為顧餘侯即此古有西餘寺晉咸康中大夫劉造夫婦葬此又名晟

山

昇山 烏程東二十一里

本名烏山以漢烏氏居此也後王羲之與客登之慨然歎曰百世之後誰知王逸少與諸君昇此乎遂名昇山顏魯公吳興地記云其上有吳均入東記漢書烏程有歐陽亭昔歐陽氏始封於此

張來儀詩昇山橫道旁秀色佳有餘雖微干初岡層巒自縈紆右軍晉高士曾此眺郊墟苔徑存遺迹千載沒荒蕪想當登臨日俯仰凌八區放浪形骸外游目多所娛惜無登高作儷彼蘭亭書我思見其人臨風一躊躕

孺山 烏程東二十八里

漢徐孺子哭友人姚元起於此山下有孺子祠紹興

掌集十 山墟類

中重修江都唐法記

張來儀孺子廟詩晴明出遊覽南山一登歷上有高士廟淒涼倚空碧殘僧散已久客至空歎息憶昔漢祚衰朝野方奔迫遂辭東湖墅艤棹此山側高名懸日月千古留遺迹洪州有高亭吳楚千里隔側身西南望悲風起悽惻

戴山 烏程東北十八里

譙郡戴顓遊居三吳衣冠之士與之遊者隨其所至即築室居之太守張邵素與之善為築於此因名焉顏魯公 **亭**詩旁瞻戴顓路蓋指此山也下

有明義菴

張來儀詩譙國有高士寄志在絲琴一聞王門召破琴絕其音傳昔居斯山井寵邈難尋至今草木間清風肅虛襟子家依古迹結屋當東林擇里得所安懷賢思難任浮屠巧眩世廟廊冠其岑臺殿紛青紅僅

足供登臨誰能構芳宇蘋藻薦所欽相望孺子廟千古同此心

毘山

烏程東北五里

當城北水入太湖突然獨峙吳興之水口也

壘山

一名隆山在城北五里

在鳳皇山東麓出脈里許平壤間突起二阜上生五色石英而紫英尤多

陳灣嶺

烏程北十二里此下皆卞山北支

南石山

烏程北十三里

北石山

烏程北十六里

魚山

烏程北十七里

卞山迤東發至湖邊獨此山有氣泡如魚鱗山形亦

掌集十 山墟類

類游魚過此則為黃龍洞

黃龍洞

烏程北二十里

此山怪石林立中一石最尊上大而末小危立如幢石旁窈洞深不可測歲旱禱之輒應云有黃龍居之亦林屋之別門也山谷書黃龍洞三字宋人題名處近有磨去易題其名者旁有祥應宮

東坡詩吳興連月雨金甌生魚蛙往問弁山龍曷不安厥家梯空上巉絕俯視驚一呀神井湧雲蓋陰崖垂蘩花交流百道泉赴谷走羣蛇不知落何處隱隱如縑車我來扣石戶飛鼠翻白鴉寄語洞中龍睡味豈不佳兩師少弭節雷師亦停搗積水得返壑稻苗出泥沙農夫免菜色龍亦飽豚豶看君擁黃紬高臥放晚

玲瓏山

在下陰嵌空奇峻略如錢塘之南屏及靈隱櫛林有
洞曰歸雲張有篆於石梁闢三尺許橫繞兩石閒名
定心石旁有杜牧之題云前湖州刺史杜牧大中五
年八月八日來又紹興癸卯葛曾卿林彥政劉無言
莫彥平葉少蘊題名

章文莊公詩短鍾長鏡出萬峰鑿開混沌作
玲瓏市朝可是無崎嶇更向山林巧用工

賽玲瓏

去玲瓏二里近沈氏抉剔爲之因名沈家洞大率此
山十餘里皆奇石也

元許德彰遊避洞云谿衲一窟貫中峰不費天丁斧
鑿工未信武陵隨稠入直疑禹穴與天通蒼龍穩臥
春無雨石燕爭飛夜有風巖底
儻逢驢迹在便於此地覓張公

掌集十 山墟類

四

西陵山

烏程北二
十一里

吳太子和葬此子皓繼統追尊文皇帝陵曰明以其
在西故又名西陵

鳳皇山

烏程西北九里
在下山東盡處

形如飛鳳故名俗名仁王山非是上有宋張常勝墓
王安石爲之志山之東北有

國初溫祥卿尙書墓

礪山

卽鳳皇南隔水小山山石可以作礪俗名爲礪山全
無意義此原與鳳皇山相聯梁武帝因鳥山出天子
之謠將吳興以鳥名山者皆鑿斷此其一也宋鮑照

有自礪山東望震澤詩或曰歸安西南六十三里自有礪山考歸安之礪山止可北望震澤鮑詩言東望此也

石斗山又名法華山

下有法華寺寺碑載樵者掘地得石函藏一童子舌不壞上生蓮華一枝故以名寺東有石鳴吳太史慈所葬太平寰宇記謂之石斗山僧皎然冬日遙和盧使君幼平綦毋居士遊法華寺高頂臨河亭一首唐刺史崔元亮張文規俱有詩

鳳翊山

在鳳皇山旁皎然同顏使君真卿李侍御萼遊法華

寺登鳳翊山有詩在別卷大抵卽鳳凰山之右旁山也自此西卽弁山矣弁之前小山名蒼山今考所謂法華寺者幾廢魯公碑斷棄荒莽中不堪讀矣

雞棲嶺

烏程西北十八里

蒼山

烏程西北十三里

卞山

烏程西北十八里

山廣百里雖四散各表爲名其實皆卞也上多似玉之石卞和嘗於此采石因名後以山形如弁因或名曰弁產桃花石見皎然桃花石枕歌○上有楚王神廟見梁簡文帝碑○杜牧有葬進士龔軻墓誌○有宋朝奉郎尙書司封員外郎知安州軍州兼管勸農

事騎都尉賜緋魚袋餘杭張禔字聖休墓○有宋給事中劉一止墓○有丞相葉夢得墓在圓證寺左

王母山

在南一支從圓證寺東葉石林墓前發出迤長者是也

千山

卞山南平地發起有我朝南平縣知縣陸崧墓其孫穩仕江西右參政時所改

白龍山

在千山南盡處前臨茗水

温山烏程西北二十里

掌集十 山墟類

吳興記出御芽芽卽茶也杜育芽賦云靈山維岳奇產所鍾厥生芽草彌谷被岡茶譜謂初生日茶既長曰芽此當是常茶非紫筍類也然烏程自來無上供之茶或御字有譌

亭子山烏程西北二十五里

白鶴山烏程西北二十六里

山石精好可為碑板江東記云員山山石精好不謝吳興卽此吳興記謂仙人姚軫化白鶴遊此因名

雙姑山烏程西北二十七里

墓山烏程西北三十里

戚家山烏程西北三十五里

康山 烏程西十二里此下在龍谿南卽茗谿

山長九里○有刑部主事唐君樞之祖知福州君墓在其首○按察司副使邵公南葬其東

棲賢山 烏程西十二里

上有石洞土有多種毛筍著稱郡中其北有都御史

張公永明葬父處

烏菱山 烏程西二十五里

石城山 烏程西三十里

昔烏程人嚴白虎於此壘石城與呂蒙戰至今有弩臺烽樓走馬埒基存焉

掌集十 山墟類

金斗山

梁武帝先建妙喜寺於此唐貞觀六年移於杼山

瓜山 烏程西三十二里

目山 烏程西三十五里

夾山 烏程西南九里

在夾山漾之南俗名雞籠山

蕭山

與夾山相迤及

下徐山 烏程西南十三里

敷山 烏程西南二十里

易說卦山之東曰莠此在福山東故名

福山

舊俗名小敷山談誌名福山與剪山相聯接唐人沈

下賢名亞之居此見杜牧弔沈下賢詩今為先人撫松居士墓

楊灣山烏程西南二十一里

徐山

菴山烏程西南二十二里

在福山迤南其相對者為南菴山

已上九山皆郭西灣之小山突起平壤者也

九霞山烏程西南二十四里

即羅山之前岡與康山南首相及予之山房在焉於

此修吳興掌故集其右一坪予之母陸孺人葬焉山

掌集十 山墟類

俱瘠土不堪禾稻子種藥草茶竹聊以供旦夕而已

羅山烏程西南二十五里

與剎山相望尖聳如羅剎兩角故名其陰即名棲賢

本一山也

楓樹嶺烏程西南二十七里

羅山之西名朱陽即仙頂寺之後山又西為姜邨姜

邨西過脈處也自是而南為青山為剎山為趙邨

小剎山烏程西南二十六里

舌頭山

青山

剎山烏程西南三十里

嶺上有刹山關山之西卽趙邨秀邸有墓

趙孟頫趙邨道中詩昔年干戈動風塵暗三吳長江已無險智勇亦難圖築壘依平山謀國一何愚楨榦羣林空遺阯莽正墟至今蓬蒿下猶有白骨枯天陰萬鬼哭慘慘荒山隅興亡自有數不敢問何如獨憐野菊花立馬為躊躇

九乳山 鳥程西南三十里

山有九峰如乳

杼山 鳥程西南三十里

高三百尺週一千二百步昔夏王杼南巡至此故名山有妙喜寺寺前二十步跨澗有黃浦橋橋南五十步有黃浦亭為宋鮑照送盛侍御及庾中郎賦詩之所杼山西南五里為黃檗山為黃浦所自出亦名黃

掌集十 山墟類

九

檗澗卽梁光祿卿江淹賦詩之所寺東有招隱院其前堂西廈謂之溫閣從草堂屈曲有懸巖徑行百步至何楷釣臺西北五十步至避宅城宅卽蛇此皆顏魯公杼山寺碑述陸羽吳興記中語也近日郡志譌以黃檗山在衡山之南又譌以妙喜山與杼山相去二里俱非也妙喜名寺梁武本以西南有妙喜國未嘗以名山也

司馬嶺 鳥程西南三十五里

黃檗山 見杼山下

雲巖嶺 鳥程西南五十里

太平山 鳥程西南五十一里

響山 烏程西南六十二里

曹家山 烏程西南六十三里

金安山 烏程西南六十五里

吳嚶山 烏程西南六十六里

吳興記云嚶燒田也吳氏於此燒山為田土民始有

耕山田者

峴山 烏程南二里此下俱烏程南境傍官澤者

山之首見者曰峴舊有五花亭 五花判事本出於韋氏韋氏三世為守於

此故以名亭李相石罇 李相素喜飲名此自節所飲止一石罇也魯公聯句者

二十九人公之二子亦與焉內劉全白先以評事遊

湖後貞元為守裴循為長城尉吳筠入嵩山為道士

掌集十 山墟類

來此李萼先任殿中侍御史魯公辟為防禦副使左輔元先因公刺撫州增廣韻海至五百卷至是來湖三教俱集且不遺後進公之襟度如是真可謂之雅集惜未有勒之石者近時亦有諸大夫林居者社集

浮玉山 烏程南五里

徐賁浮玉山詩浮玉山前路樓船泊渚沙蘋香風際草杏色雨前花閒鳥兼湖淨游絲趁岸斜不因來此處那得賞春花

車蓋山 烏程南七里

晉太守殷康建亭於此趙孟頫葬其父與嘗於此

九里山

在車蓋之南

鮑山

與九里山隔道場浜口俗以鮑叔牙遇管仲於此附會不經之甚

宋曾鞏鮑山詩雲中一點鮑山青東望能令兩眼明若道人心似矛戟山中那得叔牙城參政張

翼子都御史張廉俱葬此山西面

道場山

烏程南十二里

唐中和閒如訥禪師得道居此頗著靈異建伏虎道場後吳越王建十聖殿始改爲真正寺宋改爲護聖萬壽禪寺山巔浮屠見朱彧萍洲可談云熙寧癸丑先公登第天子擢居第一爲權臣所軋改居第二大父頗不平道場山老僧言此非人事道場在州之離

掌集十 山墟類

十一

方文筆山也低於他州故未有魁天下者僧乃勾緣卽山背建浮屠望之如卓一筆旣成語州人曰後三十年出狀元矣其後大觀賈安宅政和莫儔相繼爲廷試魁

東坡道場何山歌道場山頂何山麓上徹雲峰下幽谷我從山水窟中來尙愛此山看不足陂湖行盡白漫漫青山忽作龍蛇蟠山高無風松自響誤認石齒號驚滿山僧不放山泉出屋底清池照瑤席階前合抱桂入雲月裏仙人親手植出山回望翠雲環碧瓦朱費縹緲閒白水田頭問行路小谿深處是何山高人讀書夜達旦至今山雞鳴夜半我今廢學不歸山山中對酒空三歎

何山

烏程南十四里

山以何楷所居得名故有何楷讀書堂山有僧寺寺石爲安定先生墓元初佛教盛行僧徒無忌乃踏其

表而夷其道會至正間經界法行總管郝公鑿始復之洪武初遣使度民田僧乘計帳未定復詭墓為寺地四明孫公成知縣事發其姦復加封樹因上其事於朝遂著為祀今有張羽記及牟應龍郝侯祠記

蘇軾何山詩云今古何山是勝遊亂峰縈轉繞滄洲雲含老樹明還滅石礙飛泉咽復流徧嶺煙霞迷俗客一谿風雨送歸舟自嗟塵土先衰老底事孤僧亦白頭王十朋何山詩去秋遊道場俯瞰何山路林泉雖在眼未暇飛杖屨塵埃汨城市遙望隔煙霧春光忽已半播穀催農務欲作下山行偶逢風伯怒肩輿出城南乘興訪幽趣山藏佛屋深迹躡陳朝故老松不記年修竹莫知數鳥鳴說法池花落棲禪處書空何公堂木拱安定墓青山看未足回首日已暮小谿何處是歸誦蘇仙句

金蓋山 烏程南十二里

掌集十 山墟類

十一

郡志謔以為即何山河山與道場联接為北一支金蓋是南一支汪藻作讀書堂記云東曰道場西曰何山金蓋故在道場之東南自不容混其北麓有泉山多雲氣名曰雲泉其南面有尚書閔公珪墓誌又謔指為衡山

軻山 烏程南十四里

金蓋北出小支金蓋如車而軻附其旁也

衡山 烏程南十六里

金蓋東出過官澤水只為衡山 衡作橫諸山中惟此山橫列故名 魯

襄公三年楚子重伐吳克鳩茲至於衡山只此俗呼金蓋之南面為衡山此為東衡山誤也

錢山

從衡山北出為錢山

元黃潛錢山望菰城詩云所欣漁樵居乃與緇錫并種竹有萬竿結茹無十楹老僧解入意蹤履能相迎芳草被行徑朱藤暗巖扃蕭條空階暮日照莓苔青猶嫌所歷卑未極遊眺情

潘塘山

從錢山北出為潘塘山北臨碧浪湖東只餘不谿也

西塞山

烏程南二十五里

西塞久無定論唐詩紀事謂陶現至西塞山下泊舟吉祥佛舍郡志乃謂嚴尚書震直墓在西塞山皆以郡城之西言之新志又以城西南之二十五里則與妙喜相近尤非劉孟熙以為磁湖鎮道士磯即張志

掌集十

山墟類

十三

和所謂西塞山前者也此當有據故經鉅堂志云西塞郡城南一帶遠山是也山水明秀真是絕境其謂之西塞者下菰城為屯兵之處坐西向東故也然謂之前則不必在山下近菱湖處是已

平峰山

烏程南三十二里

姑山

烏程南三十里

吳幹山

烏程南三十里

費家山

烏程南三十六里

石頭山

烏程南三十八里

谿東茅山

烏程南四十四里

市山

烏程南四十四里

菁山市上小山也

南陽山

烏程南四十里

白虎山

烏程南四十五里

菁山之南右山也

葛仙山

烏程南五十里

職方圖志云葛仙煉丹之處在天下十有三烏程居其一上有丹竈藥曰

菁山

與葛仙山相聯菁者菁茅也宋高宗南渡駐蹕於常照寺故橋道尙存其東隴有秀王墳及清河郡王張俊墓宋學士牟子才墓

掌集十 山墟類

古

張來儀菁山石梯閣與方二彝徐士賁周二復夜坐詩云忽逢晦日驚春盡為俯高窗對夜分獨鶴夢酬西崦樹老僧定入上方雲泉聲落澗空中辨花氣穿林暗裏聞莫道暫時留愛賞移家終擬避塵氛

歸安縣山

施山

東五里

潘山

東六里

河口山

東南五里

喬木山

近河口山

夏家山

東南六里

孟家山

東南七里

沈長山

東南八里

餘安山

東南十五里

湖跌山 南二十里

一名長超山有漢薊子訓遺迹上有宇文公諒墓

東林山 南五十里

又名具錦峰上有浮屠下有祇園寺東老之迹備見

回仙觀下

謝家山 南五里

分水嶺 西南四里

桃花鵑 西南五里

震山 西南六里

礪山 西南六里

石門山 西南六里

掌集十 山墟類

五

頂山 西南七里

廉山 西南七里

母潭山 西南七里

馬鞍山 西南七里

山北屬武康

銅山 西南九里

與安吉武康接境

龍池山 西南一百里

天泉山 西南一百里

獅子山 西南一百五里

首枕大谿岡巒盤踞如狻猊北屬武康

方山 西南一百一十五里

其山黏埴多陶器北屬長興

莫干山 西南一百五十里

上有鑄劍池磨劍石北屬武康

侯石山 南六十里

鳳山 南七十三里

見山 南七十四里

濮山

見經鉏堂志以為可遊賞處

厥山 東南七十五里

入東記云吳有陸厥家於此

掌集十 山墟類

靈山 東南八十五里

含山 東南一百八里

山有淨慈院其巔浮屠其下多出筆工凡四方製筆

稱吳興者皆含山人也

長興縣山

白石山 東南三十八里

穿石山 東南三十六里

夏駕山 東南三十六里

夏王杼南巡至此而名夏禹受成會稽因卒葬焉其

後省方之轍相繼而至故武康之禺山烏程之杼山

皆以南巡得名其上有石鼓鳴則三吳有兵故又名

石鼓山

嘉靖閒工部尙書安成劉公麟葬其父武略將軍贈

太僕寺卿蒼於此因卜居呂山

董密隲 東南三十二里

顛船山 東南三十三里

石井山 東南三十二里

槍旗嶺 東南三十里

山多卓旗之迹

呂山 東南二十里

吳將呂蒙討山賊嚴白虎屯營於此

桃花山 東南二十五里

掌集十 山墟類

何石山 東南二十二里

茶磨山 東南二十一里

白鶴山 東三十里

獨姥山 東三十里

在太湖旁與烏程接界

羅浮山 東二十五里

陽烏山 東五里

上爲陳朝陵寢

楊阜山 東五里

雉山 北五里

山形如郡王冠陽烏山自此生去唐名長興爲雉州

者以此梁武帝以童謠鑿破諸以鳥名山者獨此山不鑿

隔山北十里

爬兒山北九里

山桑陽北二十里

郭轉堆北二十里

陳墓嶺北二十里

桃花陽北二十里

香蘭山北三十里

盧家陽山北三十里

甄香山北二十里

義鄉山北六十里

鼓吹山北二十里

晉太守周圯舉義兵平石冰陳敏等賊乃割長城西鄉立義鄉縣於陽羨以此得名

陳文帝居鄉時縣令到仲舉聞縣後鼓吹聲則帝必至因名

至因名

馬鞍山西北十五里

伏龍山西北十五里

地有姚姓者居因附會姚崇墓於此

雞籠山西北二十里

菹中山西北二十五里

在忻湖之西

了白嶺 西北三十里

富鳴 西北三十里

宋熙寧中有富人徐隆居此

雷鳴 西北二十五里

箬峴山 西北十二里

孔堂山 西北三十里

橫玉山 西北十五里

米堆山 西北十里

堯市山 西北十一里

山墟名云堯時洪水居民於此作市皎然詩堯市人

掌集十 山墟類

十九

稀紫筍多只此

顧渚山 西北十七里

相傳吳夫槩於此顧望原隰可為城邑故名唐時其下有貢茶院旁有金沙泉汲造紫筍茶有司具禮祭始得水事迄即涸至元十五年中書省遣官致祭一夕水溢可溉田千畝賜名瑞應泉諸題茶山詩惟袁高一首有惜民愛國之意見文苑

大官山小官山 西北十五里

顧渚左右諸山或為茶園或伐薪炭惟此二山林木深茂未嘗樵采故曰官山大山上有虎頭巖下有石門可往來張文規詩誰云隼旗吏長對虎頭巖

蘇州府志 卷之六 藝文志 記

明月峽

與顧渚聯屬絕壁削立於大澗中流亂石飛走茶生其閒者尤為絕品張文規所謂明月峽中茶始生是也

西顧山 西北四十九里

一名吳望山山墟名云闔閭登姑胥臺望五湖顧見此因名

赭石山 西北五十里

橫嶺岡

南川山

鳳亭山

掌集十 山墟類

二十

斫射山

在顧渚山左

池子嶺 已上俱西北五十里

楊嶺 西北十五里

徐嶺 西北六十里

啄木嶺 西北六十里

山多啄木鳥唐時吳興毘陵二守造茶會宴於此有境會亭白居易夜聞賈常州崔湖州茶詩境會歡宴

詩 見文苑

懸臼山 西北六十里

西噎山 西北六十一里

澗泉北流而西向峻狹激射有聲故名

懸腳嶺 西北七十里

白峴山 西北八十里

楊店之水出於此會為合谿

五峰山 縣西一里

有松雲菴山巔有洗心亭陳博士虞寄有報德寺碑云四鶴齊飛五峰相映

白蓮山 西二里下同

為子山

南衡山

戍山 西三

掌集十 山墟類

夫槩築戍城於此梁太守張岷與沈峻皆於此築戍以捍侯景

靈山 西七里

嘉靖閒刑部尙書顧公應祥葬親於此山

大福山 西八里

這山 西十二里

閩山 西十五里

飛雲山 西二十里

中有風穴雲起輒散其下有飛雲寺有石泉沙渚松門竹巖之勝亦產茶

彭耆山 西三十里下同

巖山

吳時有白鹿見亦名白鹿山

烏瞻山

其上有釣臺

洞山 西三十五里下同

洞深三丈

彈子岡

金山 西四十里下同

大洞山

洞深險莫測中有石牀

青峴山 西六十里下同

掌集十 山墟類

三

多生竹箬終冬常青茶經謂啄木青峴茶味與壽州

同

蒼雲嶺

合谿之源出此

佛子現山

石閒山 西七十里下同

黃巢岡

菖蒲山

茅山

青陽山

青冬嶺

相王嶺

三鷓岡

晉謝安墓遷於此

閔嶺

西一百里下同

龍目嶺

上有石巖中有一穴其光可鑑所謂龍目者也過嶺

為廣德州界

南嶼山

西南一百二十里

四安山

西南八十三里

南華山

西南七十四里

望山

西南六十八里

掌集十 山墟類

巧石山

西南六十里

胭脂嶺

唐吳筠於此煉丹

牧馬岡

西南五十里下同

瑞芝山

八座山

西南四十里下同

在方山之南唐吳璠吳瑒吳崧皮光業林升羅隱韓必何肅居此時號八友因名

方山

高四千丈南屬歸安陳文帝為信武將軍自長城遣二千人夜下方山津投京師只此山有大雲寺寺後

小池清可見底久雨不溢旱亦不涸因以清泉號其鄉云

午山 西南十七里

餘干山 南七里

梁陳故事云梁武帝時童謠云王氣在三餘乃於餘干餘杭餘姚三縣為厭勝法陳武帝生於長城故有餘干山餘罌谿餘漁浦豈有天意乎

天井山 南三十里

銀山 南四十里

吳山 南四十里

吳王送女至此因名或曰梁吳均唐吳筠皆居此因

掌集十 山墟類

十四

名

黃山 南四十五里下同

常都山

青山 南六十里

其中有石竇東通洞庭冬夏常暖山色如黛故名

吳均與施從事書云故鄣縣三十五里有青山絕壁干天孤峰入漢綠嶂百重清川萬轉歸飛之鳥千翼競來企水之援百臂相接秋露為霜春蘿被徑風雨如晦雞鳴不已信足蕩累頤物悟衷散賞

大布山 吳均有采藥大布山詩

佛子現山 又見西境

昔人見山有白光掘之得石佛數寸因名

白虎山

小兒山

安吉州山

青峴山

東北三里

卽東晉山入東記云東晉欲立城於此

點鐙山

東北十里

下瀕大谿漁火時時照映故名

玉磬山

東北十五里

又名崑山吳興地記云安吉有崑山攷之梁僧曇諦卓錫於安吉東北十五里得一璞扣之有磬聲因名

玉磬山又以玉出崑名崑山

皎然兵後早春登故鄣南樓望崑山寺白鶴觀示清道人□□□□□□陽故樓上眇眇傷遐睠違世情

掌集十 山墟類

三五

易忘羈時得無倦春歸華柳發世故陵谷變擾擾陌上心悠悠夢中見蒼林有靈境杳映遙可羨春日倚東峰華泉落西甸鐘聲在空碧幡影搖蔥蒨緬想山中人神期如會面別離芳月積歧路浮雲徧正印入空門仙君依苦縣隳形舍籍絨烹玉思精煉事外宜我心人閒豈子戀身遺世自薄道勝名必賤耳目何所娛白雲與黃卷

梅谿山

東北三十里

地多產梅凡烏梅佳者出於此其流水曰黃谿市之東多大山因泛名梅谿山也山根一石聳立高可百餘丈名石磨遇風雨則雲氣轉動如磨云其旁有石

門中生石耳

青山

東北三十里下同

見長興

長盤山

在浮雲山下有宋樞副莊緯墓

純孝嶺東北三十里

古桃志云黃巢之亂邑人石昂負母避此

浮雲山東北四十里

上有七十二墩久旱生浮雲即雨

銅峴山東三十里下同

高一千三百丈直鳳皇山之東

鳳皇山

高一百四十丈廣七里中有隱鳴云陶隱居嘗居之

閔頭山

掌集十 山墟類

有仙洞深五丈中有石碁枰

銅山

三山東南六十里

一水東南入烏程一水北至長興一水西北入州境

故名

白楊山東南二十里

上有兩穴為采銅處

霧山南十五里

山多雲霧故名山下有寺吳越時建名祇恆寺宋治

平閒改稱大明後改霧山寺

寇萊公詩青紅樓閣枕寒谿門外天垂斗柄低嘯鳥不知春向背落花依舊水東西半橋霜月光相照一

帶松煙色未齊誰謂百年
榛莽地香雲今日繞輪蹄

平目山 東南二十里

陳節婦都氏葬於此其子良謨舉進士仕至參政公
生十月而父守謙卒力教其子以道義以至成立其
節行不媿古人兵部尙書王廷相爲表於墓

芝山

石馬山 南三十里

上有洞洞陽龍池大旱不竭

石虎山 南十五里

有石狀如虎踞於道旁子豐出入之途

石鼓山

掌集十 山墟類

與石虎相屬下有谿其聲如鼓

仙人洞 南四十里

深三十二丈

天井山 南五十里

山半有潭深峻如井泉水傾瀉冬夏不竭

浮門山 縣西南十五里

又名蜈蚣山

獅子山 西南十七里

落石山 西三里

山高二百五十丈廣五里時有殞石因名下有李衛
公廟沈樞有廟記廟後兩廊宋魯伯能有記

金鐘山

與落石山相屬上有施將軍廟

董嶺水

唐周朴有董嶺詩

見文苑

南華山

西三十里

石門山

西四十里

在梅谿之西吳均

吳均與顧章書云梅谿之西有石門山森壁爭霞孤峰限日幽岫含雲深谿蓄翠蟬鳴鶴唳水響猿嘯英英相雜縣縣成韻既素重幽居遂葺宇其上幸富菊

浮石山

縣北二十里下同

掌集十 山墟類

天

濱於大谿其旁有石屹立谿中其上如蓋若水中浮出也

烏山

與浮石相並當兩谿之衝

石郭山

上產楊梅在六朝時以供御其山九隴狀如龍又名九龍山上有石城其陰有石竇

湖南山

西北十五里

白石山

與湖南山相屬

郭公山

西北十里

上有郭文先生祠文居此山見一虎張口相向文視

其咽中有橫骨乃探去之後獲薦鹿之報其碑文曰
高山岵嶸峻瀨潺湲飄生林下雲興巖端先生存沒
安於此山

邱閣山

西北二十
五里下同

邱閣者倉廩之異名晉史景紀言姜維寇狄道帝曰
姜維攻羌收其質任聚穀作邱閣訖而復轉行至此
○此山之形似倉廩故名

玉泉山

西北二
十里

孝豐縣山

天目山

縣西南六
十五里

高三萬六千丈廣八百里其巔有仙丈峰千丈巖東

掌集十 山墟類

三

南有瀑布下注匯爲蛟龍池東南一峰曰翔鳳林上
有平地方一千五百尺東西峰各有天湖如天之兩
眼故曰天目湖中有異形之魚當是潛龍也產有龍
鬚草靈壽藤

天目東峰從臨安入疏豁可行高峰和尙道場在焉

趙孟頫有大
覺正等寺碑

西峰從孝豐入深僻不易

皎然有題張
鍊師天目山

詩所居

西峰上有十二潭爲龍神所都人往稍深只有風雨
雷電或雲氣一縷稍見只致不測或旋風吼怒此山
之靈氣也山中寒氣早嚴山僧至九月卽不敢出冬
來多雪三月後方通行上有紫陽觀梁大同五年建

昭明太子勒碑記當時恩獎之盛旁有石室可容千人

東坡聞唐道人言天目山上俯視雷雨每大雷電但聞山下如嬰兒聲因作詩已外浮名更外身區區雷電若為神山頭只作嬰兒語無限人間失箸人元張來儀詩東西峰對峙麋鹿日成羣四月猶飛雪半山長是雲洞香仙藥徧天黑聖鏡分千古錢唐勝登臨愜素聞

佛子山 西南七十五里下同

吳興記云山有石室中有小石莊巖不倚儼然如佛

亦名佛嶺

柴山

高七十二丈見括地志

掌集十 山墟類

三

桃花山 西南五十里

桃花石出於此唐改安吉為桃州以有此也當時重

此石故以琢為石枕諸器 見皎然詩

苦山 西南四十里

輿地記云此山高二百丈周三十里遊者苦其峻極

故名

金石山 西南三十五里

高一萬八十尺廣三百里山多黃石赤土

雞罩山 西南三十里下同

石新郎山石新婦山

橫龍洞 西南四十五里

上有飛瀑懸巖

大帝山 西南五十里下同

在天目龍王廟後

石門山

內有獅子巖高二百丈

黃沙嶺 西南七十里

千丈巖 西南八十里

獨松關

在孝豐於潛之間建炎三年金酋完顏宗弼自安吉進兵過此歎曰南朝可謂無人若以羸兵數百守此吾豈能度哉

掌集十 山墟類

三

入貢山 南二十五里

磅礴鎮靜為四山具瞻山有尖峰縣治學宮皆面之有天井石洞洞可容數百人有朱砂洞高二尺闊六尺深不可測以竹竿採取紅礫如硃故名

太谿山 南三十里

高八百五十丈周四十五里

廣茗山 南三十里

即天目之陰別起峰岫多生茗草茗水出焉蘇子瞻表忠觀碑以茗水出於天目之陽者不究其源也

古浮石洞 南五十里

朱紹興間有僧智光得龍牙於此因結不朽菴名為

龍牙洞

京山

縣東南五里

碎石嶺

東南十里

浮玉山

東南十五里下同

此即古浮石洞也上有普惠寺生有異獸狀如猴四耳虎身牛尾音如犬吠其名曰彘

宋郡守葛勝仲有路出古浮山木杪飛華屋之詩只此

南嶼山

與浮玉相屬其高亦三萬六千丈其上有白水池一名白水山中多蘭草

掌集十 山墟類

三

古浮山

在南嶼之南石能浮水有洞深窅下有普慈寺

塞前山

在化度寺後上有石碁盤

上俞嶺下俞嶺

馬駒嶺

東南三十里

鳳皇山

縣東五里

東山

在鳳皇之北峭拔南來為縣之左上有竹陽泉四時不同

喝仙嶺

東十里

武春嶺

紫阮嶺

佛嶺

高壩嶺

倒石隴

長阮隴

七賢隴

五峰山

縣東北五里

相傳樵采見二人弈因名其鄉以表之故又名弈山

泥墓嶺

東北六里

目連隴

東北十五里下同

掌集十

山墟類

三

靈巖

上有小龍池下有百福院

堂子嶺

縣北一里

大隴

北二里

張家隴

北七里

虎山

北三十里

在安吉州境險峻不可越成化閒致仕縣丞許芳鑿山麓通道以便往來大司馬彭公澤以分巡行部贈

詩嘉之

師高山

北五十里

上有積雪炎月不消山之高寒如是

南華山 西北十五里

敢山

康山

獅子山 西北三十里

大會山

玉華山 西北六十里

金曜山

金曜與玉華相對封吏部考功司郎中吳松葬此吳氏世居其下好德而文科第不絕

塔子嶺 西北十里

郭笑山 西北二十里

掌集寸 山墟類

金雞嶺 西北三十里

調風嶺 西北五十里下同

橫山

吳氏有先世墓

太陽山 縣西十里

大嶺 西二十里

石門隴 西三十里

涼風洞 西八十里

石岐山 西六十里

又名金峰山在金曜山之後吳氏所居處相聯接

武康縣山

紫山 縣西五里

又名銀山一名永安

響應山 西十里

隨人聲大小相應故有大響小響之名下有龍湫水色正碧名玉石響又名大響巖前有小泓名小響貞元中于頔改玉石響為碧玉潭于頔葛勝仲皆有題刻有定光院在巖腹中小池上有濯纓亭又有一壑軒院後緣石磴抵谷中有斷崖瀑布二十餘丈下有漱玉亭

餘英嶺 西十五里

餘英之源出此梁沈氏族居之處後有五峰如屏

掌集十 山墟類

三五

深峴山 西二十五里

山下有流水深數十丈

場山 西二十七里

山墟名謂場氏居此

茹芝山 西二十九里

上皋山 西三十里

車巖山

石桂山 西三十五里

高大山

范鳴山 西五十里

石城山 縣西南三里

高九十六丈廣四十五里其上平衍可城可耕巔有池不盈畝大旱不竭昔人嘗於此壘石爲營上有尙書左僕射姚顥墓及吳太常姚信墓

石嶠山 西南七里

山頂有石嶠長丈餘下有石嶠邨

中山 西南二十里

馬頭山 西南二十七里

佛坐山 西南二十里

馬頭隴 西南二十五里

晉咸和七年石勒將韓雍寇吳興詔遣中郎將趙引敗之於馬頭隴只此

掌集十 山墟類

箬峴山 西南三十五里

山產箭箬俗名箬嶺

龍口山 縣南十八里下同

前邨山

千人山 南二十里

金山 南三十里

高一百三十丈廣十八里土色正赤上有泉

孤山 縣東南十五里

秀峰山 東南十八里

禺山 東南二十里

本防風氏所都後以夏王禺南巡至此而名宋太師

楊和王存中墓

湖上山 東南二十五里

天根山 東南三十里

計籌山 東南三十五里

越大夫計然於此籌國計其中有巖幽窅而夷曠曰

白石洞天其下有計邨或許然所居也山有昇玄觀

元鄭元祐宿通玄觀詩蓑衣度松聲泉石泣斜照采

薇入山阿白雲起巖微仙人駕青牛冷然下虛峭琦

漱鼓春風空歌發微妙掌麟觴玉醴服之五情療前

翔鳳山 東南三十里下同

金牛山

掌集十 山墟類

三

黃山

鳳尾山 東南十五里

煙霞隴 縣東七里下同

寶谿劉穎士秀叔之別墅也林麓之勝號稱洞天中

有龜巖有亭曰藏春巖前瀑水下灌巖谷聲激如雷

有橋亭名挂雲

宋直祕閣鄂岳安撫大使成無玷墓在此

石協山

天將雨此山必雲上巖有石井雲所從出也

宴山 東十里

雲岫山 東十五里

封山 東十里八里

防風氏所封之地天寶六年改名防風山上有風公

洞祠又名風渚山

秋山 東十五里

楊家山 東二十里

烏卜山 東二十里

龍山 東二十里

豸山 東二十四里

在風渚湖中 縣西北十五里亦有豸山

鳳皇山

山下有皇覺寺晉吏部尙書沈嘉墓

掌集十 山墟類

南山 縣東北十三里

沈壁山 東北十五里

山有九峰透迤相接沈氏自東陽徙居於此

仙臺山 東北八里

餘英志謂黃初平煉丹處山頂有臺臺北有逍遙堂

羊沒山

在仙臺之北亦以初平故事俗譌為楊梅山

黃隴山 東北二十五里

山墟名亦附會初平之迹俗呼為王母山按初平在

金華山中修道今載於此不知何據

壩頭山 東北八里

獨蒼山 東北三十里下同

葛官山

小山

鳳翽山 東北十八里

獅山 東北九里

烏回山 縣北三里

卽平田小山也

鳳唼山 北五里下同

餘英志云其山有三一在北首枕郭林谿爲鳳唼一在縣東北懷德里爲鳳翽一在縣東南千佛寺側爲鳳尾

掌集十 山墟類

三

獨孤山

世傳唐獨孤及嘗宰是邑作亭其上故名

几山

東有莊井歲旱灌田不涸

竹孤山 北十里

金山 北十五里下同

一名金車頂其土赤色山巖有泉產魚如金色談志云昔有人夜見山頂有光如鐙鑿之得金數百斤故名

郭林山

晉郭文隱處也此山在安吉與山連界故名同

青山

馬鞍山

宋朝議大夫劉士英衣冠墓在此劉仕太原通判金人入寇死節

招賢山

縣西北七里

山麓有毛公醴泉

白鶴山

西北十里

高六十五里一名鵲山

銅官山

西北十五里

山下有兩坎名銅井深數丈方圓百丈即吳王采銅之所井旁有石燕洞天寶六年改名武康山

掌集十 山墟類

四

雙髻山

西北二十里下同

石山

南齊書云沈道虔隱居於此有石山精廬

天泉山

西北三十五里

一名唐錫山山麓有泉涓涓不竭蔭注田閒賴以常稔以為天之所賜故名

計峴山

西北二十五里下同

山與烏程界

仰面山

石頤山

莫干山

上有劍池磨劍石爲武康八景之一

德清縣山

官莊山

有大理丞何彥猷墓

司馬山

有宋翰林學士方淑墓

馬鞍山

有宋知樞密院沈與求墓

積穀山

縣西二里下同

有保慶寺

玉塵山

掌集十 山墟類

有白石洞天

文墅山

西十里下同

文林山

有紫極觀

吳憾山

縣西南一里

相傳吳王夫差憾句踐之傷其父舉兵伐越築壘於此

唐李光弼偏將辛孜亦築城於此以平朱覃姚廷等賊吳越王又築此屯戍號奉國城今隔谿名城南界

首名奉國

市亭山

縣南一里

按德清在三國時名臨水後併入餘杭後又併入武康後又改爲臨谿其在宋齊之間正併入餘杭時故德清之市亭山卽爲餘杭之舍亭山也王敬弘隱居吳興之舍亭山卽此也郡志誤以臨水爲臨安臨安在山中未嘗臨水且臨水後爲臨谿可攷見矣

赤土山
相傳昔有望氣者謂此山有貴人氣因斷後山今馬尾河是也

丁山 南三里

掌集十 山壙類

望

望洛山 南二十九里

入東記云永嘉中洛人過江者昇此山以望洛因名

吳羌山 縣東南一里

吳羌避亂於此人以名之其麓有乾元寺其陰爲龜谿其南有元峰觀梁武帝書釋迦寶殿四字柳公權大中乾元之寺張卽之書大明光閣四字其陽有沈麟士墓皎然有題吳羌山破寺詩 見文苑

德清山 縣東四里

一名烏山山墟名云烏巾居此後改德清因縣名也山有兩峰前曰殿子後曰省山

東衡山

有趙子昂墓史官歐陽玄撰神道碑

東主山 縣東北三里

陳書云侯景圍臺城右軍將軍沈恪為東主山主書夜與其徒拒戰以功封東興侯而名之其東有五子

石又名百寮山

張來儀登百寮山詩湖鄉風景三秋後佛界軒亭四望開碧水番從城裏過青山直到縣門來魚商酒市晴偏集釣艇蓮舟晚共回自古登高能作賦坐中誰是昔賢才

茅山 東北十五里下同

蠡山

因范蠡得名

葛山 東北十八里

掌集十 山墟類

里

上有葛公壇

敢三山 東北二十一里

山有三峰其中曰敢山左曰龍山右曰鳳山其下有漾或云吳闕澤曾居此因名

囚女山 東北三十五里

高十丈周四十五里入東記云後漢青州刺史姚恢與海昏侯沈戎卜居柯田山恢女是戎子婦密報戎戎先居之姚因囚女於此三世不復養女山東有漾亦名囚女漾今人改山名為齊眉山

石壁山 縣北一里

一名百寮山與東主相聯此則稍北也巉絕不可登

其陽有慈相寺寺有月泉東萊讀書於此

下坦山北八里

金紫山北十里八里

郡人丁氏葬此贈金紫光祿大夫因名

下蘭山

縣之舊治在此天寶中始遷於百寮之陽

張家山

宋右丞相吳潛葬此

金鵝山縣西北五里

漢述善侯沈戎葬其下有金鵝飛集三鳴而去因名其下三邨為上初鳴中初鳴下初鳴以表異也梁沈

掌集十 山墟類

四

麟士述祖德碑在此宋淳祐閒別少師葬此改名金

鼇山

大肚嶺西北八里

有范仲淹所撰寧海軍節度掌書記沈嚴墓誌

方山西北十二里

宋兵部尚書沈介葬此

吳興掌故集卷之十